

# तिमोथीयात पावलं चवःगु न्हापांगु पौ

## म्हसीका

थ्व पौ पावलं माकेडोनियां तिमोथीयात चवःगु खः। पावलं थःगु निक्वः खुसिया यात्राया इलय् वयात नापलाःगु खः। तिमोथी एशियाय् लाःगु लुस्त्रा शहरय् च्वंम्ह छम्ह ल्याय्म्हम्ह विश्वासी खः। वया मां यहूदी व बौ ग्रीक खः। पावलयात वयागु ज्याय् वं ग्वाहालि ब्यूगु खः। थ्व पतिइ स्वता खँयात बांलाक ध्वाथुइकातःगु दु।

दकलय् न्हापां पावलं मण्डलीइ मखुगु खँ स्यनाजुइपिनि पाखें बचय् जुया च्वनेगु ख्याचवः बियातःगु दु। इमिगु धापू कथं संसार मभिं, गुप्ति-खँया पाखें जक मुक्ति काये फइ, अले ब्याहा मयासे व नये मज्यू धयातःगु नसा मनसे जक हे काये फइ। थ्व पौया निगूगु ब्वय् पावलं मण्डली गुकथं चलय् यायेगु, गुकथं सेवा यायेगु व मण्डलीया थकालिपिं व ग्वाहालि याइपिनिगु चालचलन गज्याःगु जुइ माः धकाः नं न्ह्यथनातःगु दु। दकसिबय् लिपा पावलं तिमोथीयात येशू ख्रीष्टया धात्थेम्ह च्यः गुकथं जुइगु व मण्डलीया थकालिपिं व क्वकालिपिं विश्वासीतय्त गुकथं हनाबना तयेमाः धकाः अर्ती बियातःगु दु।

## धलः पौ

न्ह्यखँ .....	१:१-२
मण्डलीया थकालिपिं व ग्वाहालि याइपिनिगु खँ ..	१:३-३:१६
भाःत मदुपिं मिसातय्गु खँ .....	५:१-१६
धिबायागु लोभ मयायेगु बारे अर्ति .....	६:१-१०
मेमेगु अर्ती .....	६:११-२१

# १ तिमोथी

## पावलपाखें ज्वजलपा

१ मुक्ति बियादीम्ह परमेश्वरया उजंकथं आशा बियादीम्ह येशू ख्रीष्टया प्रेरित जुयाम्ह जि पावलयापाखें २ विश्वासय् जिम्ह काय् थें जुयाच्वंम्ह तिमोथीयात<sup>१</sup> ज्वजलपा।

परमेश्वर बाः व भी प्रभु येशू ख्रीष्टयापाखें छन्त दया माया व शान्ति दयेमा।\*

## मखुगु खँ स्यनिपिं लिसे होश या

३ जि माकेडोनियाय् वने त्यनाबलय् छन्त एफिससय् हे च्वँ धकाः धयागु खः। मखुगु खँ स्यनिपिन्त पनेत छ अज्ज नं अन हे च्वना च्वँ। ४ जि धयार्थे इमित मनय् वःथें बाखं कनेगु व तापाःबाज्यापिनिगु धक्कु त्वःतेगु ज्या याके मते। थुकिं विश्वास यानाः जक थुइगु परमेश्वरयागु ग्वसाःयात स्वयाः अप्वः जवाःसवाः यायेगुयात तिबः बी।

५ यचुगु नुगलं, भिंगु मतिं व शंका

मयासें याइगु विश्वासं दइगु मायायात ब्वलंकेत जिमिसं थथे धयाच्वनागु खः। ६ गुलिखय् मनूत ला थज्याःगु पाखे लिचिलाः म्वाः मदुगु खँय् जुयाच्वंगु नं दु। ७ थःपिन्सं छु धयाच्वना धकाः इमिसं मस्यू, न इमिसं थःगु खँयात विश्वास यानाः हे धाये फु। अयनं इपिं व्यवस्था स्यनिपिं गुरू जुइ मास्ति वः।

८ व्यवस्थाय् च्वया तःथें याये फःसा व्यवस्था तसकं बांलाःगु खः धकाः भीसं स्यू। ९ व्यवस्था भिंपिं मनूतय्गु नितिं दय्कातःगु मखु। थ्व ला मभिंपिं मनूतय्गु नितिं दय्कातःगु खः। नियम मानय् मयाइपिं, परमेश्वरयात मानय् मयाइपिं, पापीत, पवित्र मजूपिं, परमेश्वरयात क्वहंकीपिं, मांबौयात स्याइपिं, मनू स्याइपिं, १० व्यभिचार याना जुइपिं, मिजं मिजं हे व्यभिचार याना जुइपिं, दास मीपिं, मखुगु खँ ल्हाना जुइपिं, मखुगु साक्षी बीपिं व भिंगु खँयागु अःखतं ज्या याना जुइपिनिगु नितिं दय्कातःगु खः।

१:२ ग्रीक भाषां तिमोथियसयात १:२ प्रे १६:१

११ थ्व हे तसकं भिंगु खँ दकलय् तःधंम्ह परमेश्वरं जितः न्यकेत बिया-दीगु खः।

### परमेश्वरया दयाया नितिं सुभाय्

१२जिगु ज्याय् जितः शक्ति बिया-दीम्ह भी प्रभु येशू ख्रीष्टयात जिं सुभाय् बी, छायाःसा वय्कलं जितः विश्वास यानाः थःगु ज्या याके बियादिल। १३न्हापा जिं प्रभुयात विश्वास मयानानिबलय् मस्युसे वय्कःयात क्वह्यंका जुइगु, वय्कःया मनूतय्त स्यंका जुइगु व इमित यक्व दुःखकष्ट बीगु याये लात। अय्जूसां परमेश्वरं जितः दया यानादिल।\* १४ख्रीष्ट येशूयात यानागु विश्वास व मायां यानाः वय्कलं जितः तसकं दया यानादिल।

१५पापीतय्त मुक्ति बीत ख्रीष्ट येशू थ्व संसारय् भायादीगु धात्थें हे खः धयागु खँ फुक्कसिनं मानय् याये हे माः। पापीत मध्ये नं जि तसकं पापीम्ह खः। १६थुकिं यानाः हे वय्कलं जितः माया यानादिल। जि थें ज्याःम्ह तसकं पापीयात थःगु धैर्य क्यनेत वय्कलं जितः नमुना दय्कादिल। थ्व नमुना लिपा वय्कःयात विश्वास याइपिं व अनन्त जीवन काइपिनिगु नितिं खः।

१७न्हाबलें दया च्वनिम्ह जुजु, गुबलें सी मखुम्ह, खने मदुम्ह छम्ह हे जक परमेश्वर न्हाबलें तःधने मा अले वय्कःयात हे फुक्कसिनं हने मा। आमेन।

१८तिमोथी, जि काय्, छन्त कयाः न्हापांसिं जुयाच्चंगु अगमवाणी कथं जिं उजं बियाच्चवना। थुकियात हे ल्वाभः यानाः छ प्रभुया नितिं ल्वाना च्वँ। १९विश्वास यायेगु व भिंगु खँ मतिइ तयेगु त्वःते मते। मति मभिना वंगुलिं ग्वःम्हय्सिनं ला विश्वास यायेगु नापं त्वःते धुंकल। २०अथे स्यंपिं मध्ये हुमेनियस व अलेक्जेन्डर नं खः। अज्ज अप्वः थुमिसं प्रभुयात बांमलाकाः खँ ल्हाना मजुइ मा धकाः जिं थुमित शैतानयागु ल्हातय् लः ल्हाना बी धुन।

### मण्डलीइ यायेगु सेवा

२ १अय्जूगुलिं दक्वसिबय् न्हापां मण्डलीयापिन्त जिं धाये — फुक्क मनूतय्गु नितिं प्रार्थना व बिनित्ति यायेगु व सुभाय् बीगु या। २शान्ति व चितासू दय्कः म्वाना च्वने फयेमा, अले परमेश्वरयात दुग्यय्क सेवा याये फयेमा धकाः जुजुपिनिगु नितिं व अधिकार दुपिनिगु नितिं नं प्रार्थना या।

३भीत मुक्ति बियादीम्ह परमेश्वरयात थथे याइगु यः। अले थ्व भिंगु ज्या नं खः। ४फुक्क मनूतय्सं मुक्ति काये फयेमा व सत्यगु खँयात बांलाक सीका काये फयेमा धयागु वय्कःया इच्छा खः। ५परमेश्वर छम्ह हे जक दु। अले दथुइ च्वनाः मनूतय्त व परमेश्वरयात मिलय् यानादीम्ह नं छम्ह हे जक दु। थथे मिलय् यानादीम्ह मनू ख्रीष्ट येशू खः। ६वय्कः फुक्क मनूतय्गु पलेसाय् सिनादिल। न्हापांनिसें हे क्वःछिना तःकथं वय्कः पाय्छि इलय् सिनादिल। ७थ्व हे ज्या यायेत जितः भिंगु खँ न्यंकः जुइम्ह व प्रेरित यानादिल। जिं धात्थेंगु खँ धयाच्वनागु खः, मखुगु खँ ल्हानागु मखु। यहूदीमखुपिन्त थ्व हे धात्थेंगु खँ कनाः विश्वास याकेत जितः गुरु ल्यया तःगु खः।\*

८मिजंतय्सं न्हाथाय् नं तं मचासे व जवाःसवाः मयासे दुनुगलंनिसें ल्हाः ल्हनाः प्रार्थना याये माः।

९अथे हे मिसातय्सं नं ल्वय्क सादा वसतं पुना जुइ माः। तःजिगु तिसा, वसः पुनाः अप्वः समाः याना-जुइ मते।\* १०परमेश्वरयात मानय् याइपिं मिसातय्सं थःत ल्वय्क भिंगु ज्या याना जुइ माः।

११स्यनेकने यायेथाय् मिसातय्सं सुम्क च्वनाः सय्का काये माः, अले धाःथें च्वने माः। १२मिसातय्सं मिजंतय्त क्वत्यला तयेगु व स्यनेकने यायेगु ज्या जिं याके बी मखु। मिसातय्सं सुम्क च्वनेगु याये माः १३छाय्धाःसा दकलय् न्हापालाक आदमयात सृष्टि यानादीगु खः। अले लिपातिनि हव्वायात सृष्टि यानादीगु खः।\* १४आदमयात मिखाय् धुलं छ्वाकूगु मखु, बरु हव्वायात मिखाय् धुलं छ्वाकाः वया पाखें हे पाप याकूगु खः।\* १५अय्नं मिसातय्सं क्वात्तुक विश्वास व माया यानाः पवित्र जुयाच्वन धाःसा मचा बुइकीबलय् इपिं कष्टं बचय् जुइ।

### मण्डलीया बिशप व ग्वाहालि याइपिं

३ १थथे धयातःगु धात्थें हे खः — सुनानं मण्डलीया बिशप जुइ मास्ति वय्कूसा, वं तसकं बांलाःगु इच्छा यात। २बिशप जुइम्ह मनू छुं हे दोष मदुम्ह, छम्ह हे जक मिसा लिसे ब्याहा याःम्ह, थातं च्वने फुम्ह, थःत थःम्हं कःघाये फुम्ह, चालचलन बांलाःम्ह, पाहां वःपिन्त दुनुगलंनिसें दुकाइम्ह, बांलाक स्यनेकने याये

फुम्ह, ३अय्लाखं काय्का मजुइम्ह, ल्वाना मजुइम्ह, भिंम्ह, हाला जुइ मखुम्ह, धिबायागु लोभ मदुम्ह, ४थःगु छें बांलाक कःघाये फुम्ह, थः मस्तय्त कज्य् याना तये फुम्ह जुइ माः। ५छाय्धाःसा थःगु छें हे बांलाक कःघाये मफुम्हय्सिनं ग्य् यानाः मण्डली कःघाइ?

६थज्याःम्ह मनू नकतिनि जक विश्वास याःम्ह नं जुइ मज्यू। मखुसा व नं अप्वः तःधंछुयाः शैतान थें नाश जुयावनी। ७अले मण्डलीं पिने नं नांजाःम्ह जुइ माः, अथे जूसा जक वयात मनूतय्सं हेबाय्चबाय् याइ मखु, अले शैतानयागु जालय् नं लाइ मखु।\*

८ग्वाहालि याइपिं नं अथे हे भिंपिं व दुग्यंपिं जुइ माः। इपिं खःगु व जूगु जक खँ ल्हाइपिं, अय्लाखं काय्का जुइ मखुपिं, अले धिबायागु लोभ मयाइपिं जुइ माः। ९इपिं विश्वासयागु सत्य खँयात मनं निसें बांलाक थुइका काये फुपिं जुइ माः। १०बांलाक जाँचय् याये धुंकाः तिनि इमित मण्डली ग्वाहालि याके बी माः।

११इमि कलाः नं अथे हे भिंपिं, दुग्यंपिं, मेपिन्त हेबाय्चबाय् याना मजुइपिं, थातं च्वने फुपिं व न्ह्यागु

खँय् नं विश्वास याये बहःपिं जुइ माः।

१२थथे ग्वाहालि याइम्ह नं छम्ह हे मिसा लिसे ब्याहा याःम्ह जुइ माः। अले व नं थः मस्तय्त कज्य् याये फुम्ह व छें कःघाये फुम्ह जुइ माः। १३बांलाक ज्या याइम्हय्सित फुककसिनं मानय् याइ। अले इमिसं येशू ख्रीष्टयात थःम्हं विश्वास यानागु खँ मेपिन्त नं मग्यासे धाये फइ।

### तःधंगु गुप्ति खँ

१४थ्व पौ च्वया च्वनाबलय् नं जिं याकनं हे छन्थाय् वयेगु मतिइ तयागु दु। १५अय्नं छुं जुयाः जि वये लिबात धाःसा परमेश्वरयागु छँय् भीसं ग्य् यानाः च्वने माः धकाः थ्व हे पौ पाखें सीका ति। परमेश्वरयागु छँ धयागु हे मण्डली खः। अले थ्व सत्ययागु थां व किल्ला नं खः।

१६थ्व तसकं तःधंगु गुप्ति खँ खः धकाः भीसं स्यू —

वय्कः भी थें मनू जुयाः भाल,

आत्मायापाखें वय्कः धर्मी

ठहरय् जुल।

स्वर्गदूततय्सं वय्कःयात खंकल,

जात जातियापिन्त वय्कःयागु

खँ न्यंकल,

संसारय् च्वंपिन्सं वय्कःयात  
विश्वास यात,  
अले वय्कःयात तःधंकाः  
स्वर्गय् तुं थत यंकल।

मखुगु खँ कनिपिं खनाः होश या

४ लिपा लिपा मनूतय्सं विश्वास  
यायेगु त्वःताः मखुगु खँ न्यनाः  
शैतानं धाःथें याना जुइ धकाः पवित्र  
आत्मां बांलाक थुइका ब्यूगु दु।  
२ धर्मयागु रूवाःपालं पुयाः मखुगु  
खँ ल्हाना जुइपिन्सं थथे याना जुइ।  
थुमिगु मतिइ मिइ छुयातःगु नालुं  
पुकातये धुंकल।

३ थुमिसं ब्याहा याये मज्यू, गुलिं  
गुलिं नसा नये मज्यू धकाः मनू-  
तय्त स्यना जुइ। विश्वास याइपिं  
व सत्ययात थूपिन्सं सुभाय् बियाः  
न्ह्यागुं नये ज्यू, छायाःधाःसा थ्व फुक्कं  
परमेश्वरं हे दय्कादीगु खः। ४ वय्कलं  
दय्कादीगु मभिंगु छुं नं मदु। उकिं  
वय्कःयात सुभाय् बियाः न्ह्यागुं नये  
ज्यू। ५ छायाःधाःसा वय्कःयागु वचन  
व प्रार्थनां फुक्कं शुद्ध जुइ।

येशू ख्रीष्टया भिंम्ह च्यः

६ फुक्कं दाजुकिजापिन्त थ्व खँ  
थुइका बिल धाःसा छ येशू ख्रीष्ट-  
या भिंम्ह च्यः जुइ। अले थुकिं  
हे विश्वासयागु वचन व छं मानय्

यानाच्वंगु खँय् छ गुलि तक बल्लाना  
च्वंगु दु धकाः सी दइ। ७ म्वाः मदुगु  
मनय् वःथें बाखं कना जुइपिं पाखें  
तापाक हे च्वँ। बरु परमेश्वरयात  
यय्क जक जुया च्वँ। ८ म्हायागु ज्याखँ  
यानाः म्हो हे जक ज्यालगय् जुइ।  
आत्मायागु ज्याखँ धाःसा आः व  
लिपा तकं ज्यालगय् जुयाच्वनी। ९ थ्व  
खँ धात्थेंगु व विश्वास याये बहःगु  
खः। १० अय्जूगुलिं हे भीसं म्वाःम्ह  
परमेश्वरयाके आशा यानाः थथे दुःख-  
कष्ट सियाः ज्या यानाच्वनागु खः।  
फुक्कं मनूतय्त मुक्ति बीम्ह, अप्वः  
यानाः वय्कःयात विश्वास याःपिन्त  
मुक्ति बीम्ह थ्व हे परमेश्वर खः।

११ थ्व हे खँ छं स्यनेकने या।  
१२ सुनानं छंगु ल्याय्म्हसूयात हेबाय्-  
चबाय् याये मफयेमा, बरु छं खं,  
चालचलनं, मायां, विश्वासं व शुद्ध  
जुयाः इमि न्ह्याःने नमुना जुयाः कयँ।  
१३ जि मवतले मनूतय्त धर्मशास्त्रं  
ब्वनेगु, स्यनेगु व न्वायेगु याना च्वँ।

१४ थकालिपिन्सं छन्त छेनय्  
ल्हाः तयाः न्हापां हे क्वःछिनातःगु  
वरदानयात सितिं छ्वये मते।  
१५ दुनुगलंनिसें छं थ्व ज्या बांलाक  
याना च्वँ। अले छंगु ज्या मेपिन्सं नं  
खनि। १६ थःगु खँय् व थःम्हं स्यनागु  
खँय् बांलाक बिचाः या। थथे याःसा  
छन्त नं छंगु खँ न्यपिन्त नं मुक्ति दइ।

भाःत मदुपिं मिसात, थकालित व  
दासतय्गु बारे सल्लाह

**५** १थः स्वयाः थकालिपिन्त ब्वः  
बी मते। इमित छुं धाये माःसा  
थः बौयात थें धा। थः स्वयाः  
क्वकालिपिन्त किजापिन्त थें व्यवहार  
या। २अथे हे थकालिपिं मिसातय्त  
मांपिन्त थें अले क्वकालिपिं मिसा-  
तय्त मनय् पाप मतसे केहेंपिन्त थें  
व्यवहार या।

३हाःनाः मदुपिं भाःत मदुपिं मिसा-  
तय्त हनाबना तयेगु या। ४काय्-  
मह्याय्पिं व छय्पिं दुम्ह भाःत मदुम्ह  
मिसायागु सुसाःकुसाः वया काय्-  
मह्याय्पिं व छय्पिन्त हे याके ब्यु।  
इमिसं थःगु छेंय् निं धर्म याये सय्के  
ब्यु, अले मांबौयागु त्यासा पुले ब्यु,  
छाय्धाःसा परमेश्वर थज्याःगु ज्यां  
लय्तायादी।

५हाःनाः मदुम्ह भाःत मदुम्ह मिसां  
परमेश्वरयाके भरोसा तयाचवनी।  
अले चान्हिं परमेश्वरयात प्रार्थना  
यानाचवनी। ६भाःत मदुम्ह मिसां  
यःयःथें सनाः मोजमज्जा याना  
जुल धाःसा व सीगु ति हे ग्यनी।  
७अज्याःपिं मिसातय्त दोष मद्य्क  
जुइ फये मा धकाः थ्व खँ स्यनेकने  
या।

८सुनां थःथितियागु, अज्ज ला थः

हे जहानपिनिगु तकं सुसाःकुसाः  
याइ मखु, वयागु विश्वास सिंति वंगु  
ति ग्यनी। अज्याःपिं मनूत विश्वास  
मयाःपिं स्वयाः नं मभिंपिं जुइ।

९छम्ह जक मिजं नाप ब्याहा  
याःम्ह, खुइदँ दये धुकूम्ह भाःत  
मदुम्ह मिसायात १०बांलाःगु ज्या  
यानाः नां जाःम्ह, मस्तय्त ब्वलंकूम्ह,  
पाहांतय्त दुनुगलंनिसें दुकाइम्ह,  
परमेश्वरया मनूतय्त तुति सिलाः सेवा  
याइम्ह, हाःनाः मदुपिन्त ग्वाहालि  
याइम्ह व भिंगु ज्याय् जक मन तयाः  
जुइम्ह जूसा वयात भाःत मदुपिं  
मिसातय्गु नांया धलखय् दुथ्याकूसां  
ज्यु।

११भाःत मदुपिं ल्यासेपिं मिसातय्गु  
नां धाःसा धलखय् दुथ्याके मते,  
छाय्धाःसा इमिसं ख्रीष्टयागु ज्या  
त्वःताः हानं ब्याहा यायेत स्वइ।

१२थथे इमिसं न्हापा चिनातःगु बाचा  
ल्वःमंकूगुलिं इपिं दोषी ठहरय्  
जुइ। १३अज्ज ला इपिं छेंय् छेंय्  
चाःहिलाः ज्या मयासे जुइ। थुलि जक  
मखु, इपिं खँगुलु जुइ, अले इमिसं  
मेपिनिगु ज्याय् ल्हाः तया जुइगु व  
ल्हाय् मज्युगु खँ नाप ल्हाना जुइ।

१४अय्जूगुलिं भाःत मदुपिं ल्यासेपिं  
मिसातय्सं ब्याहा यायेगु हे भिं जू।  
थुपिं मचाखाचा दय्काः छें बांलाक  
कःघाना च्वनिपिं जुइ माः। अथे जूसा

भी शत्रुतयसं नं धायेथाय् दइमखु।  
१५ गुम्हं गुम्हं भाःत मदुपिं मिसात ला  
अथे बांमलाक सना जुयाः शैतानयागु  
ल्हातय् लाः वने नं धुंकल।

१६ सुं विश्वासी मिसायाथाय् थथे  
भाःत मदुपिं मिसात दुसा वं हे इमित  
स्वये माः। थथे याःसा मण्डलीयात  
थाकुइ मखु। अले जक मण्डलीं  
भाःत मदुपिं हाःनाः मदुपिं मिसातय्त  
बांलाक ग्वाहालि याये फइ।

### थकालिपिन्सं याये माःगु ज्या

१७ बांलाक ज्या याःपिं थकालिपिन्त  
अप्वः हनाबना तये माः। अज्ज ला  
वचन न्यंकीपिं व स्यनिपिन्त अप्वः  
हनाबना तये माः। १८ धर्मशास्त्रय् नं  
थथे धयातःगु दु — “दाइं यायेबल्य्  
द्वहंयागु म्हुतुइ पिचा तयाबी मते।”  
अले “ज्या याःमह्यसित ज्याला बी हे  
माः।”\*

१९ निम्ह स्वम्ह साक्षी मदय्कं  
सुनानं थकालियात द्वपं बिल धाःसां  
पत्याः याये मते।\* २० पाप याइपिन्त  
फुक्कसिया न्ह्यःने हे ब्वः ब्यु। थथे  
याःसा जक मेपिं नं ग्याइ।

२१ परमेश्वर, स्त्रीष्ट येशू व ल्यया  
तःपिं स्वर्गदूततय्गु न्ह्यःने जिं छन्त  
थ्व खँ धयाच्चना। थथे ज्या यायेबल्य्

सुयागुं पँ ली मते, अले सुयागुं ख्वाः  
स्वये मते।

२२ हथाय् चायाः सुयातं छैनय् ल्हाः  
तयाः मण्डलीयागु ज्याय् तये मते,  
छाय्धाःसा व मनू मभिम्ह जूसा  
वयागु पाप छन्त नं लाइ। थःत पाप-  
पाखें तापाक हे ति।

२३ न्हापा थें लः जक त्वने मते। थःगु  
प्वाःयागु नितिं उसाँय् मदुगुया नितिं  
भचा भचा दाखमद्य नं त्वनेगु या।

२४ गुम्हय् गुम्हय्सिगु पाप ला  
बांलाक हे सी दयाच्चनी, इपिं न्हापा  
हे दोषी ठहरय् जुइ। गुलिसिगुं पाप  
ला लिपा लिपा जक सी दइ। २५ अथे  
हे गुलि गुलिं भिंगु ज्या ला न्हापा हे  
बांलाक सी दइ। अले सी मदुगु नं  
लिपा सी दया वइ, त्वपुया तये फइ  
मखु।

### दासतय्त अर्ती बीगु

६ १ दासं थः मालिकयात हनाबना  
तये माः। अले जक परमेश्वरयागु  
नां व जिमिसं स्यनागु भिंगु खँयात  
क्वह्यांकाः खँ ल्हाये फइ मखु।  
२ विश्वासी दाजुकिजा ला खःनि धकाः  
सुनानं थः विश्वासी मालिकयात  
हनाबना मतयेगु याये मते, बरु इमिगु  
बांलाक सेवा या। छाय्धाःसा इमित

भिनिगु थःहे दाजुकिजायात भिनिगु खः। थ्व हे खँ छं मेपिन्त नं स्यनेकने या।

### धिबायागु लोभ

३सुनानं मेकथं स्यनेकने याना जुल, अले भी प्रभु येशू ख्रीष्टयागु सत्यगु वचन व भीसं परमेश्वरयात मानय् याये माःगु खँ मन्यन धाःसा ४वं छुं हे मसिकं तःधंछुया जुइ। अले म्वाः मदुगु खँ पिकयाः जवाःसवाः यानाः ल्वापु थया जुइ। थुकिं मनूतय्त ल्वाकेगु, नुगः मुइकेगु, मेपिन्त मभिका जुइगु व म्वाः मदुगु संका जक याकी। ५थुमिसं न्ह्याबलें ल्वापु जक थया जुइ, थुमिगु न्ह्यपु हे खतं नये धुंकल, थुमिके सत्य धयागु हे मदु। थुमिसं धर्म हे धिबा कमय् यायेगु लँपु खः धकाः धया जुइ।

६खः, दुगुलिं लुधंकाः परमेश्वरयात मानय् यानाः चवनेगु हे तःमि जुइगु खः। ७बूबल्य् नं भीसं थ्व संसारय् छुं ज्वना वयागु मदु। अले सीबल्य् नं छुं ज्वना वने फइ मखु। ८नयेत व पुनेत जक दुसा ला भीत गा हे गात नि।

९तःमि जुइत स्वइम्ह मनू पापयागु ल्हातय् लाइ, वं मभिंगु व थःत हे

स्यंकीगु खँ मनं तुना जुइ। थुकिं हे यानाः व नाश जुइ। १०फुक्क मभिंगु व बांमलाःगु ज्याया हा हे धिबायागु माया खः। गुलिखय् मनूतय्सं धिबायागु लोभय् लानाः विश्वास यायेगु हे त्वःता ब्यूगु दु। उकिं सह याये मफयेक दुःखकष्ट जुयाः नुगः हीका चवने माल।

११अय् तिमोथी, परमेश्वरया मनू, छ थज्याःगु मभिंगु खं तापाक चवना चवँ। परमेश्वरया न्ह्यःने धर्मी ठहरय् जुइगु, वय्कःयात मानय् याना चवनेगु व भिंमह जुया चवनेगु खँय् मन बिया चवँ। १२विश्वासयागु लँपुइ न्ह्यज्याना तुं चवँ। अले अनन्त जीवन कायेत स्व। थुकियागु नितिं हे परमेश्वरं छन्त सःतादीगु खः, अले थुकियागु नितिं हे छं यक्व मनूतय्त थःगु विश्वासयागु साक्षी ब्यूगु खः। १३फुक्कसितं म्वाका तःमह परमेश्वरयागु न्ह्यःने व पन्तियस पिलातसयागु न्ह्यःने सत्ययागु नितिं नवानादीमह ख्रीष्ट येशूयागु न्ह्यःने जिं छन्त धया चवना — \* १४भी प्रभु येशू ख्रीष्ट मभातले छं जिं धया थें बांलाक व सुनानं धाये ल्हाये थाय् मदय्क याना चवँ। १५परमेश्वरं वय्कःयात पाय्छि इलय् छवया हयादी। परमेश्वर हे दक्वसिबय्

तःधंम्ह, फुक्क शक्तिया थुवाः, जुजु-  
तय् नं जुजु, अले प्रभुतय् नं प्रभु खः।  
१६वय्कः न्ह्याबलें दयाच्वनिम्ह,  
सुं हे वनेफइ मखुगु जलय् च्वनिम्ह  
खः। वय्कःयात आः तक सुनानं  
खंगु मदुनि, अले खनी नं मखु। सदां  
दयाच्वनिगु शक्ति वय्कःयाके हे  
दयाच्वने मा, अले वय्कः न्ह्याबलें  
तःधने मा। आमेन।

१७थ्व संसारय् च्वंपिं तःमि धाय्का  
च्वंपिन्त अप्वः तःधंछुया जुइ मते  
धकाः धया ब्यु। इमिगु धनसम्पत्ति  
सदां दयाच्वनी मखु। उकिं इमित  
धनसम्पत्तिइ मखु, बरु भीत फुक्कं  
बियादीम्ह परमेश्वरयाके भरोसा तया  
च्वं धकाः धया ब्यु। १८भिंगु ज्या

यायेगु, भिंगु ज्याय् तःमि जुइगु व  
नुगः चक्कंकाः मेपिन्त ग्वाहालि  
यायेगु या धकाः इमित धया ब्यु।  
१९थुकथं इमिसं लिपायात स्यल्लाःगु  
धनसम्पत्ति मुंके फइ, अले धात्थेगु  
जीवन काये खनी।

२०तिमोथी, छु छन्त लःल्हाना  
बियातःगु बांलाक बिचाः याना  
ति। संसारयागु म्वाः मदुगु खं व  
गुलिखय् मनूतय्सं “ज्ञान” धकाः  
धयातःगु मखुगु खं तापाक हे च्वं।  
२१छाय्धाःसा गुलिसिनं ला थज्याःगु  
खंय् जुयाः विश्वासयागु लं हे त्वफिका  
छ्वःगु दु।

परमेश्वरं छिमित दया माया यानादी  
मा।